



Broj: 02-04-835-

Datum: 14. 4. 2024.

Na osnovu člana 4. Odluke o provođenju participativnog budžetiranja u Gradu Zavidovići („Službeni glasnik Grada Zavidovići“, broj: 4/2025), dana 21.04. 2025. godine, objavljuje:

Javni poziv za učešće građana u participativnom budžetiranju putem prijedloga projektnih ideja za 2025. godinu

I - Predmet Javnog poziva

Predmet Javnog poziva je učešće građana u participativnom budžetiranju predlaganjem projektnih ideja za 2025. godinu, kojima građani na demokratskom principu upravljaju javnim resursima, a kojim će doprinijeti povećanju kvaliteta života svog okruženja, naselja, mjesne zajednice i grada Zavidovići.

II - Aplikanti koji imaju pravo na podnošenje prijave

Pravo apliciranja projektnih ideja participativnog budžetiranja za 2025. godinu ima svaki punoljetan građanin, koji je državljanin BiH i ima prijavljeno prebivalište na području grada Zavidovići (daljem tekstu aplikanti).

Apliciranje projektnih prijedloga participativnog budžetiranja se vrši po principu jedan Aplikant jedan projektni prijedlog.

III - Projektne ideje aplikanata moraju zadovoljiti slijedeće kriterije:

- da je projektna ideja u nadležnosti Grada Zavidovići
- da ne prelazi Javnim pozivom definisanu maksimalnu vrijednost projektne ideje,
- da je realizacija projektne ideje izvodiva u periodu do 31.12.2025. godine,
- da je od javnog interesa i da isključivo doprinosi opštem dobru lokalne zajednice,
- da nije vjerske ili stranačke naravi,
- da zadovoljava tehničke i pravne uslove realizacije kao što su: da se radi o projektnoj ideji vezanoj za nekretnine u posjedu i vlasništvu Grada Zavidovići, Mjesnih zajednica ili ustanova i preduzeća čiji je osnivač Grad Zavidovići ili da su riješena imovinsko-pravna pitanja (dokaz o pravnom interesu).

IV - Projektne ideje u zavisnosti od projekta sadržavaju slijedeće:

- naziv projektne ideje
- opis trenutnog stanja, odnosno situacije na koju aplikant reaguje projektnom idejom, što uključuje i detaljan opis tačne lokacije
- opis prijedloga rješenja (svrha, cilj, potrebne aktivnosti), sa tehničkim opisom projektne ideje

- obrazloženje javnog interesa realizacije predloženog projekta, odnosno opis benefita realizacije predloženog projekta/rješenja koje ide na korist građanima lokalne zajednice, te opis kome je predloženi projekat namijenjen i na koga će imati najveći uticaj
- procijenjenu vrijednost realizacije predloženog projekta
- kontakt podatke Aplikanta (adresa stanovanja, kontakt telefon, e-mail adresa)

V - Prioritetne oblasti za koje se mogu predlagati projektne ideje

Građani mogu predlagati projektne ideje iz sljedećih prioritetnih oblasti:

1. Ekologija (odnosno ekološki projekti koji mogu biti povezani sa oblastima: poljoprivrede, privrede (npr. cirkularna ekonomija), urbane mobilnosti, energetske efikasnosti, kulture, sporta itd.)

VI - Iznosi sredstava za participativno budžetiranje

Ukupan iznos sredstava za participativno budžetiranje je **20.000,00 KM**, s tim da se može odobriti maksimalno **10.000,00 KM** po jednoj projektnoj ideji.

Aplikanti su obavezni u prijavnom obrascu navesti ukupan iznos sredstava potreban za realizaciju projektne ideje, koji može biti viši od maksimalno određenog iznosa granta, samo u onom iznosu koji će Aplikant obezbijediti bilo vlastitim učešćem, bilo iz nekog drugog izvora.

Administrativni troškovi ne smiju prelaziti 20% od ukupnih troškova projekta (to su troškovi angažmana, komunikacije, uredski troškovi i slično).

VII – Provjera usklađenosti projektnih ideja sa kriterijima

Postupak provjere usklađenosti Projektnih ideja sa propozicijama Javnog poziva, kriterijima prihvatljivosti projektnih ideja, kao i provjere da li projektne ideje sadrže sve podatke iz tačaka IV i V ovog Javnog poziva provodi Koordinacioni tim za provođenje postupka participativnog budžetiranja kao posebno radno tijelo koje imenuje Gradonačelnica.

- (1) Projektne ideje za koje se utvrdi da ne sadrže sve podatke iz člana 4. ovog Javnog poziva Koordinacioni tim vraća aplikantu na doradu sa rokom za doradu od 10 dana.
- (2) Koordinacioni tim sačinjava listu Projektnih ideja Participativnog budžetiranja u koju se uvrštavaju sve aplicirane Projektne ideje za koje se utvrdi da zadovoljavaju uslove iz stava (1) ovog člana (u daljem tekstu: Lista projektnih ideja Participativnog budžetiranja).
- (3) Lista projektnih ideja sa opisima pojedinačnih projekata objavljuje se na web stranici Grada Zavidovići za potrebe online glasanja.

VIII – Postupak odabira projektnih ideja/e

Projektne ideje odabiru građani elektronskim glasanjem, te se po isteku glasanja objavljuju najuspješnije Projektne ideje sa brojem glasova, detaljnim opisom i iznosom finansijskih sredstava koja su osigurana za njihovu realizaciju u Budžetu Grada Zavidovići za 2025. godinu. Rezultati izbora projektnih ideja se objavljuju na web stranici Grada Zavidovići.

Projektne ideje sa najvećim brojem glasova, uvažavajući oblast na koju se iste odnose upućuju se u proces razrade nadležnoj gradskoj službi za upravu. Proces razrade Projektne ideje vršit će se u saradnji sa aplikantom i službenicima gradske uprave Grada Zavidovići.

Proces razrade Projektne ideje podrazumijeva:

- obilazak lokacije na koju se odnosi Projektna ideja,
- izradu neophodne projektne-tehničke dokumentacije na osnovu Projektne ideje i
- definisanje koraka potrebnih za realizaciju projekta.

IX - Realizacija izabranih projekata)

- (1) Realizaciju izabranog projekta Participativnog budžetiranja vrši Grad Zavidovići putem resornih gradskih službi za upravu.

X - Prijavni obrazac

Prijava na Javni poziv podnosi se na propisanom obrascu koji se objavljuje u prilogu Javnog poziva.

XI - Način podnošenja projektnih ideja, mjesto i rok za dostavu prijave na Javni poziv

Prijave se dostavljaju na propisanom obrascu na e-mail adresu: **dzenan.starcevic@zavidovici.ba**, ili u jednom štampanom primjerku, u zatvorenoj koverti, preporučenom poštom ili se predaju lično na pisarnicu Grada Zavidovići, na adresu:

GRAD ZAVIDOVIĆI

Koordinacioni tim za provođenje postupka participativnog budžetiranja

Mehmed paše Sokolovića, broj 9

72220 ZAVIDOVIĆI

sa obaveznom naznakom:

„Prijava na Javni poziv za učešće građana u participativnom budžetiranju putem podnošenja projektnih ideja za 2025. godinu

Javni poziv je otvoren od dana objavljivanja javnog poziva na web stranici Grada Zavidovići, a krajnji **rok za predaju aplikacija je 31.5.2025.** Aplikacije koje budu pristigle poslije navedenog roka razmatraće se jedino u slučaju da poštanski žig ukazuje na datum slanja prije zvaničnog isteka roka. Aplikacije poslane na bilo koji drugi način neće biti uzete u razmatranje.

Napomena: Riječi i pojmovi koji imaju rodno značenje, bez obzira jesu li u ovom dokumentu korišteni u muškom ili ženskom rodu, odnose se na jednak način na muški i ženski rod.

obradila: Džeraldina Miličević
kontrolisao: Nermin Čahtarević



GRADONAČELNICA

mr.iur. Erna Merdija Smalhodžić



